

四庫全書

子部

欽定四庫全書

冊府元龜卷五

宋 王欽若等 撰

帝王部

創業

易曰雲雷屯君子以經綸孟子曰天下溺援之以道其
創業之謂乎神農以前為而不有功成不居故無得而
稱焉炎帝下衰諸侯放恣蚩尤貪暴害於有衆黃帝修
德治兵順天行罰諸侯百姓咸所欣戴遂應土德之運

而有天下非夫聰明睿智神武而不殺者其孰能與於此商周開基其義益顯湯誥曰有夏昏德民墜塗炭天乃錫王勇知表正萬邦泰誓曰予有臣三千惟一心商罪貫盈天命誅之故云為淵毆魚者獺也為叢毆爵者鷓也為湯武毆民者桀與紂也漢魏以降豪傑竝馳莫不英謀沈斷雄圖遠馭乘時以建義任能以協力撥亂反正與民休息天人合符乃膺大寶有以知天造草昧王業之艱難也

黃帝初受國於有熊氏軒轅之丘因以為名軒轅之時

神農氏世衰

易稱庖犧氏沒神農氏作是為炎帝教民耕農故號曰神農

諸侯相侵

伐暴虐百姓而神農氏弗能征於是軒轅乃習用干戈

以征不享諸侯咸來賓從而蚩尤最為暴莫能伐

蚩尤古天

子孔子三朝記曰蚩尤庶人之貪者

炎帝欲侵諸侯諸侯咸歸軒轅軒轅

乃修德振兵治五氣

五行之氣

藝五種

藝樹也詩云藝之於菽周禮曰穀宜五種

鄭玄曰五種黍稷菽麥稻也

撫萬民度四方

度四方而安撫之

教熊羆貔貅

貔虎以與炎帝戰於阪泉之野

阪泉地名也在上谷

三戰然後得

其志蚩尤作亂不用帝命於是黃帝乃徵師諸侯與蚩

尤戰於涿鹿之野

涿鹿山名在涿郡又曰在上谷

遂禽殺蚩尤

皇覽曰蚩尤冢

在東平郡壽張縣闕鄉城中高七丈民嘗十月祀之有赤氣出如疋絳帛名為蚩尤旗肩髀冢在山陽郡鉅野縣重聚大小與闕冢等傳言黃帝與蚩尤戰于涿鹿之野黃帝殺之身體異處故別葬之而諸侯咸

尊軒轅為天子代神農氏是為黃帝天下有不順者黃

帝從而征之平者去之披山通道

披他本一作破字蓋當為披披者旁其邊

之謂也披語成合今世然古今不必同也未嘗寧居東至于海登丸山

九作凡在

瑯琊朱

及岱宗西至於空峒

山名在隴右

登鷄頭南至于江

登熊湘

南伐至于召陵登熊山
湘山在長沙益陽縣

北逐葷粥

匈奴傳曰唐虞以上有土

戎獫狁葷粥
居於北蠻

合符釜山而邑于涿鹿之阿遷徙往來無

嘗處以師兵為營衛

帝舜年二十以孝聞三十而堯問可用者四嶽咸薦舜
曰可於是堯乃以二女妻舜以觀其內使九男與處以
觀其外舜居媯汭內行彌謹堯二女不敢以貴驕事舜
親戚甚有婦道堯九男皆益篤一年而所居成聚二年
成邑三年成都堯乃試舜五典百官皆治昔高陽氏有

才子八人

蒼舒賸鼓擗戲大臨
虜降庭堅仲容叔達

世得其利謂之八凱

和

也

高辛氏有才子八人

伯奮仲堪叔獻季仲
伯虎仲熊叔豹季狸

世謂之八

元

元善也

此十六族者世濟其美不隕其名至於堯堯未

能舉舜舉八凱使主后土

君治九土之宜

以揆百事莫不時序

舉八元使布五教於四方父義母慈兄友弟恭子孝內

平外成昔帝鴻氏有不才子

帝鴻黃帝也不才
其苗裔驩兜也

掩義隱

賊好行凶慝天下謂之渾沌少皞氏

金天氏也

有不才子毀

信惡忠崇飾惡言天下謂之窮奇

謂共工氏也其
行窮而好奇

頡頏

氏有不才子不可教訓不知話言天下謂之梟杻

梟杻 頑凶

無儔匹之貌謂鯨也

此三族世憂之至于堯堯未能去縉雲氏

姓姜

炎帝之苗裔也

有不才子貪於飲食冒于貨賄天下謂之饕餮

天下惡之比之四凶舜賓于四門乃流四凶之族遷于

四裔

四裔之地去王城四千里

以禦魑魅

魑魅人面獸身四足好惑人山林異氣所生以為人

害

於是四門辟言毋凶人也舜入於大麓烈風雷雨不

迷堯乃知舜之足授天下使舜攝行天子政巡狩堯三

年喪畢讓堯子丹朱而天下歸舜遂踐天子位

夏禹初為司空與益后稷奉帝堯命命諸侯百姓與人

徒以傳土

傳作敷土也

行山表木定高山大川

定其差秩祀禮所視也名

山大川五嶽四清之屬

禹傷先人父鯀功之不成受誅

鯀治水九年而功弗

成舜乃勞身焦思居外十三年過家門不敢入陸行乘

車水行乘船泥行乘橈

橈或作藪形如箕橈行泥上

山行乘樁

一作橋謂

以鐵如錐頭長半寸施之

左準繩右規矩

左右言常用也

載四

時所行不違四時之宜也

以開九州通九道陂九澤度九山令益

子衆庶稻可種卑濕命后稷予衆庶難得之食食少調

有餘相給以均諸侯禹乃行相地宜所有以貢及山川之便利東漸於海西被于流沙朔南暨

朔北聲教訖於方也

四海于是帝錫禹玄圭以告成功於天下天下於是太

平始舜薦禹於天為嗣舜三年喪畢禹辭辟舜之子商

均于陽城

今潁川陽城是

天下諸侯皆去商均而朝禹禹遂即

天子位

殷湯初為夏方伯得專征伐葛伯不祀湯始伐之

孟子曰湯

居亳與葛伯為隣地里志曰葛今梁國寧陵之葛鄉

湯曰子有言人視水見形視

民知治不伊尹曰明哉言能聽道乃進君國子民為善者皆在王官勉哉勉哉湯曰汝不能敬命予大罰殛之無有攸赦作湯征當是時夏桀為虐政淫荒而諸侯昆吾氏為亂湯乃興師率諸侯伊尹從湯湯自把鉞以伐昆吾遂伐桀湯曰格汝眾庶來女悉聽朕言匪台小子台我也敢行舉亂有夏多罪予惟聞女眾言夏氏有罪予畏上帝不敢不正不敢不正桀之罪而誅之今夏多罪天命殛之今女有眾女曰我君不恤我眾舍我嗇事而割政奪民農功而為

割剝之政 女其曰有罪其奈何夏王率止衆力率奪夏國之桀

君臣相率遏止衆力使不得事農相率割剝夏之邑居 有衆率怠不和衆民相率

同曰是日何時喪予與女皆亡尚書大傳曰桀云天之有日猶吾之有民日有

亡哉日亡吾亦亡矣 夏德若茲今朕必往爾尚及予一人致天之

罰予其大理女尚書理字作齊賚賜也 女母不信朕不食言女不

從誓言予則孥戮女無有攸赦以告令師作湯誓於是

湯曰吾甚武號曰武王詩曰武王載旆有虔秉鉞毛萇曰武王湯也 桀敗於

有娥之墟桀奔於鳴條夏師敗績湯遂伐三豎俘厥寶

王

三愛國名桀走保之今定陶地傳取也

義伯仲伯作典寶

二臣作典寶一篇言國之

常寶也

湯既勝夏欲遷其社不可

欲變置社稷而後世無及句龍者故不可而止

作夏社

言夏社不可遷之義

伊尹報

一云伊尹報政

於是諸侯畢服湯乃

踐天子位平定海內

周文王為西伯崇侯虎譖於紂紂乃囚西伯於羑里闕
天之徒患之乃求有莘氏美女驪戎之文馬有熊九駟
他奇怪物因商嬖臣費仲而獻之紂紂大悅曰此一物
足以釋西伯况其多乎乃赦西伯賜之弓矢斧鉞使得

征伐西伯乃獻雒西之地以請去炮烙之刑紂許之西

伯陰行善諸侯皆來決平於是虞芮之人

地里志虞在河東太陽縣

芮在馮翊臨晉縣

有獄不能決乃如周入界耕者皆讓畔民俗

皆讓長虞芮之人未見西伯皆慙相謂曰吾所爭周人

所恥何往為祇取辱耳遂還俱讓而去諸侯聞之曰西

伯乃受命之君明年伐犬戎

山海經曰有人人面獸身名曰犬戎

明年伐

密須

密須氏姑姓之國安定陰密縣是

明年敗耆國

一作既

殷之祖伊聞

之懼以告帝紂紂曰不有天命乎是何能為明年伐邢

邢城在野王縣西北音于

明年伐崇侯虎而作豐

豐在京北鄆縣東有靈臺去長安南

較十里自岐山而徙都豐時文王之道被于南國美化行

乎江漢之域無思犯禮求而不可得也

紂時淫風徧于天下維江漢之

域先受文王之教化

故有漢廣之詩言德廣及也文王之化行乎

汝墳之國婦人能閔其君子猶勉之以正也

言此婦人被文王之

化厚事其君子

故有汝墳之詩言其道化行也衰亂之俗微貞

信之教興彊暴之男不能侵陵貞女

衰亂之俗微貞信之教興者此殷之

末世周之威德當文王與紂之時

故有行露之詩周南之國化文王之

政在位皆節儉正直德如羔羊

羔羊之化在位卿大夫競相從化皆如羔羊

故有羔羊之詩召南之國被文王之化男女得以及時故有標有梅之詩天下大亂彊暴相陵遂成淫風被文王之化雖當亂世猶惡其無禮故有野有死麇之詩鵲巢之化行人倫既正朝廷既治天下純被文王之化則庶類蕃殖蒐田以時仁如騶虞則王道成也故有騶虞之詩文王之用師率殷之叛國以事紂養是闇昧之君以佐其惡是周道大興而天下大歸往矣故酌之詩曰於

鏖王師遵養時晦時純熙矣是用大介

鏖美遵率養取
晦昧也介助也

太子發立是為武王武王即位太公望為師周公旦為

輔召公畢公之徒左右王師脩文王緒業九年武王上

祭于畢

畢文王墓
地名也

東觀兵至于盟津

譙周云史記武王
十一年東觀兵十

二年為文王木主載以軍中車武王自稱太子發言奉

文王以伐不敢自專乃告司馬司徒司空諸節

諸節謂
諸受持

節有齊粟信哉予無知以先祖有德臣小子受先功云

子小子受
先公功

畢立賞罰以定其功遂興師師尚父號曰總

爾衆庶與爾舟楫後至者斬武王渡河中流白魚躍入

于王舟中

魚者介鱗之物兵象也白者殷家之正色言殷之兵衆與周之象也

武王俯取

以祭既渡有火自上復于下至于王屋流為烏其色赤

其聲魄

王屋王所居屋流行也魄然安定意也書說云烏有孝名武王率父大業故烏瑞臻赤者周之

正色也是時諸侯不期而會盟津者八百諸侯皆曰紂可

伐矣武王曰女未知天命未可也乃還師歸居二年聞

紂昏亂暴虐滋甚殺王子比干囚箕子太師庇少師強

抱其樂器而犇周於是武王徧告諸侯曰殷有重罪不

可以不畢伐一作滅乃遵文王遂率戎車三百乘虎賁三

千人虎賁勇士稱也若甲士四萬五千人以東伐紂十

一年十二月戊午師畢渡盟津諸侯咸會曰孳孳無怠

武王乃作太誓告于衆庶今殷王紂乃用婦人之言

自絕于天毀壞其三正動逆天離過其王父母弟王父母弟

祖父母之族必言母弟舉親者言之也乃斷棄其先祖之樂乃為淫聲用

變亂正聲怡悅婦人故今予發維共行天罰勉哉夫子

夫子丈夫之稱不可再不可三二月一作正此建丑之月殷之正月周之二月也甲

子昧爽

昧冥爽明
早旦也

武王朝至於商郊牧野乃誓

癸亥夜
陳甲子

朝誓

武王左杖黃鉞右秉白旄

鉞以黃金飾斧左手杖
鉞示無事於誅右手把

旄示有事
於教令

以麾曰遠矣西土之人嗟我有國家君

冢大
也司

徒司馬司空亞旅師氏

亞次旅衆大夫也其位次
卿師氏大夫官以兵守門

千夫

長百夫長

師率
卒率

及庸蜀羌髳微纘彭濮人

八國皆蠻夷
戎狄羌在西南

蜀矛微在巴蜀纘彭在西北
庸濮在江漢之南纘一作盧

稱爾戈

稱舉
也

比爾千立爾

予予其誓王曰古人有言牝雞無晨牝雞之晨惟家之

索

索盡也婦人知外事
唯代雄鳴則家盡也

今殷王紂維婦人言是用自棄

其先祖肆祀不答

肆祭名答報也

昏棄其家國遺其王父母弟

不用乃維四方之多罪逋逃是崇是長是信是使

言紂棄其

賢臣而尊長逃七罪人信用之也

俾暴虐于百姓以姦宄于商國今予

發維共行天之罰今日之事不過六步七步乃止齊焉

今日戰士不過六步七步乃比相齊言當旋進一心也

夫子勗哉不過于四伐五

伐六伐七伐乃止齊焉

伐謂擊刺也火則四五多則六七以為例也

勉哉夫

子尚桓桓如虎如羆如豺如離

此訓與端同

于商郊不禦克

犇以役西土

禦疆禦謂疆暴也克殺也不得暴殺紂師之犇走者當以為周之役也

勉哉

夫子爾所不勉其於爾躬有戮誓已諸侯兵會者車四

千乘陳師牧野帝紂聞武王來亦發兵七十萬人距武

王武王使師尚父與百夫致師

周禮環人掌致師鄭玄曰致師者致其必戰之

志也古者將戰先陳勇力之士犯敵焉春秋傳曰楚許伯御樂伯攝叔為古以致晉師許伯曰吾聞致師者御塵旌摩壘而還樂伯曰吾聞致師者左射以蕞代御執轡御下兩馬掉鞅而還攝叔曰吾聞致師者右入壘折馘執俘而還皆以大卒馳帝紂師帝一作商紂師雖衆皆無戰行其所聞而復

之心心欲武王亟入紂師皆倒兵以戰以開武王武王馳之紂兵皆潰畔紂紂走反入登于鹿臺之上蒙衣其珠玉自燔

于火而死武王持太白旗以麾諸侯諸侯畢拜武王武王
乃揖諸侯諸侯畢從武王至商商國百姓咸待於郊於是
武王使羣臣告語商百姓曰上天降休商人皆再拜稽首
武王亦答拜入至紂死所武王自射之三發而後下車以
輕劔擊之以黃鉞斬紂頭縣太白之旗已而致紂之嬖妾
二女二女皆經自殺武王又射三發擊以劔斬以玄鉞司馬
法曰夏執玄鉞宋均曰玄鉞用鐵不磨礪縣其頭小白之旗武王已乃出復
軍其明日除道修社及商紂宮及期百夫荷罕旗以先驅

蔡邕獨斷曰前驅有九旒雲罕東
京賦曰雲罕九旒薛綜曰旒旗名
武王弟叔振鐸奉陳

常軍周公旦把大鉞畢公把小鉞以夾武王散宜生太

顛闕天皆執劍以衛武王既入立于社南大卒之左右

畢從毛叔鄭奉明水

周禮曰司烜氏以鑑取水於月鄭
玄曰鑑鏡屬也取月之水欲得陰

陽之潔氣陳明
水以為玄酒

衛康叔封布茲

茲者藉席之名
諸侯病曰負茲

召公奭

贊采師尚父牽牲尹佚筮祝曰殷之末孫季紂殄廢先

王明德侮蔑神祇不祀昏暴商邑百姓其章顯聞于天

皇上帝於是武王再拜稽首曰膺大命草殷受天明命

武王又再拜稽首乃出封商紂子祿父殷之餘民武王
為殷初定未集乃使其弟管叔鮮蔡叔度相祿父治殷
已而命召公釋箕子之囚命畢公釋百姓之囚表商容
之閭命南宮括散鹿臺之財發鉅橋之粟以賑貧弱萌
隸命南宮括史佚展九鼎保王保五命閔天封比干之
墓命宗祝享祠于軍乃罷兵西歸行狩記政事作武成功
也封諸侯班賜宗彝作分殷之器物

漢高祖初為泗上亭長為縣送徒驪山

秦始皇葬驪山
故郡國送徒士

往作徒多道亡自度比至皆亡之到豐西澤中夜皆解縱

所送徒

縱放也

曰公等皆去吾亦從此逝矣

逝往也

徒中壯

士願從者十餘人秦二世元年秋七月陳涉起

音機縣名

屬沛國

至陳自立為楚王郡縣多殺長吏以應涉九月沛

令欲以沛應之掾主吏蕭何曹參

參為掾何為主吏

曰君為秦

吏今欲背之沛子弟恐不聽願君召諸亡在外者可得

數百人因以劫衆

劫謂威脅之

衆不敢不聽乃令樊噲召高

祖高祖之衆已數百人矣於是樊噲從高祖來沛令後

悔恐其有變乃閉城守

音狩守其城也

欲誅蕭曹蕭曹恐踰

城保高祖

保安也就高祖以自安

高祖乃書帛射城上與沛父老

曰天下同苦秦久矣今父老雖為沛令守諸侯竝起今

屠沛

屠謂破取城邑誅殺其人如屠六畜然

沛今共誅令擇可立立之以

應諸侯即室家完不然父子俱屠無為父老乃帥子弟

共殺沛令開城門迎高祖欲以為沛令高祖曰天下方

擾諸侯竝起今置將不善一敗塗地

謂肝腦塗地也

吾非敢自

愛恐能薄

能才也本獸名能行鹿足堅中強力故人有才者皆為能也

不能完父兄

子弟此大事願更擇可者蕭曹皆文吏自愛恐事不就

後秦種族其家

謂誅及種族也

盡讓高祖諸父老皆曰平生所

聞劉季竒怪當貴卜筮之莫如劉季最吉高祖數讓衆

莫肯為高祖乃立為沛公祠黃帝祭蚩尤於沛廷而覺

鼓

釁血祭也凡殺牲以血祭者皆為釁

於是少年豪吏如蕭曹樊噲等皆

為收沛子弟得三千人是月項梁與兄子羽起吳田儋

與從弟榮橫起齊自立為齊王韓廣自立為燕王魏咎

自立為魏王二世二年十月

十月秦正月也

沛公攻胡陵

屬山陽

方與

音房預亦屬山陽

還守豐秦泗州監平將兵圍豐

泗州今沛郡秦

時御史監郡平其名也

三日出與戰破之令雍齒守豐十一月沛

公引兵之薛秦泗州守壯兵敗於薛

秦時郡置守尉監此泗州有監有守

壯其名也 走至戚

屬東海 沛公左司馬得殺之

得司馬名也

沛公還

軍亢父

亢音抗父音甫屬任抗城

至方與十二月雍齒反為魏守豐

魏人周市略地豐沛雍齒不欲屬沛公故為魏守

沛公攻之不克正月東陽寧

君秦嘉

寧君秦嘉二人寧姓時號為君

立景駒為楚王在留

留縣名

沛公

往從之道得張良遂與俱見景駒請兵以攻豐時章邯

從陳別將

從謂進計也

司馬尼將兵北定楚地

尼古夷字章邯司馬也

屠相至碭

相縣名碭郡名

東陽審君沛公引兵西與戰蕭西

蕭縣

之西不利還收兵聚畱二月攻碭三日拔之收碭兵得六千

人與故合九千人三月攻下邑拔之

下邑縣名

還擊豐不下四

月項梁擊殺景駒秦嘉止薛沛公往見之項梁益沛公卒

五千五大夫將十人

五大夫第九爵名

沛公還引兵攻豐拔之

雍齒奔魏六月沛公如薛

如往也

與項梁共立楚懷王孫

心為楚懷王

六國為秦所并楚最無罪故求其後立之以祖謚為號順民望也

沛公攻

亢父章邯圍田榮於東阿沛公與項梁共救田榮大破章

邯東阿田榮歸沛公項羽追北

北敗也

至城陽攻屠其城軍

濮陽東復與章邯戰又破之章邯復振

振起也振迅而起

守濮陽

環水沛公項羽去攻定陶八月田榮立田儋子市為齊王

定陶未下沛公與項羽西略地至雍丘與秦軍戰大破之

斬三川守李繇還攻外黃外黃未下章邯擊項梁九月沛

公項羽方攻陳留聞梁死士卒恐乃與將軍呂臣引兵而

東徙懷王自盱台都彭城

台音怡

呂臣軍彭城東項羽軍彭

城西沛公軍碭後九月

即閏九月

懷王并呂臣項羽軍自將之

以沛公為碭郡長封武安侯將碭郡兵初懷王與諸將約

先入定關中者王之當是時秦兵彊嘗乘勝逐北諸將莫

利先入關

不以入關為利言畏秦也

獨羽怨秦破項梁奮勢願與沛公

西入關懷王諸老將皆曰項羽為人慄悍禍賊

慄疾悍勇好為禍害

而殘賊也

嘗攻襄城襄城無噍類

噍音砉笑反言無有活而噍食者也

所過無不

殘滅且楚數進取前陳王項梁皆敗

陳王陳涉也

不如更遣長

者扶義而西

扶助也亦作扶

告諭秦父兄秦父兄苦其主久矣今

誠得長者往毋侵暴宜可下項羽不可遣獨沛公素寬
大長者卒不許羽而遣沛公西收陳王項梁散卒乃道

碭至陽城與扛里

二縣名扛音江

攻秦軍壁破其二軍三年十

月沛公攻破東郡尉於武成

尉郡都尉也本謂之郡尉至景帝時改曰都尉

十

二月沛公引兵至栗

沛郡縣

遇剛武侯

應邵注云楚懷王將剛侯陳武又云

魏將柴武也孟康皆非之顏師古云史失其名姓唯識爵號臣欽若等曰剛武未詳官爵名氏

奪其軍

四千人并之與魏將皇欣武滿軍合攻秦軍破之二月

沛公從碭北攻昌邑遇彭越越助攻昌邑未下三月攻

開封未拔西與秦將楊熊會戰白馬

縣名屬東郡

又戰曲遇

東

曲音丘羽反
遇音顛地名

大破之楊熊走之滎陽二世使使斬之

以狗四月南攻潁川屠之因張良遂略韓地時趙別將

司馬邛

邛音五
剛反

方欲渡河入關沛公乃北攻平陰絕河

津南戰雒陽東軍不利從轅轅至陽城收軍中馬騎六

月與南陽守齟戰犍東

犍縣名也齟音
又犍音昌繇反

破之畧南陽

郡南陽守走保城守宛沛公用其舍人陳恢言受齟降封

為殷侯引兵西無不下者至丹水高武侯鯁襄侯王陵

降還攻朝陽遇番君別將梅銷

番音婆銷音呼玄反

與偕攻析郿

二縣名析今內鄉郿故荆潭

皆降所過毋得鹵掠秦民喜遣魏人甯

昌使秦八月沛公攻武關趙高殺二世使人來約分王

關中沛公不許又擊破秦峽關軍漢元年十月

張倉傳云高祖

以十月至霸上故因秦以十月為歲首

沛公至霸上秦王子嬰素車白馬

係頸以組封皇帝璽符節降軹道旁

軹道亭名

諸將或言誅

秦王沛公曰始懷王遣我固以能寬容且人已服降殺之不祥乃以屬吏遂西入咸陽欲止宮休舍樊噲張良

諫乃封秦重寶財物府庫還軍霸上蕭何盡收秦丞相府圖籍文書十一月召諸縣豪傑曰父老苦秦苛法久矣誹謗者族偶語者棄市

偶對也

吾與諸侯約先入關者王之吾當王關

中與父老約法三章耳殺人者死傷人及盜抵罪餘悉除去暴秦法吏民皆按堵如故凡吾所以來為父兄除害非有所侵暴毋恐且吾所以軍霸上待諸侯至而定約束耳乃使人與秦吏行至縣鄉邑告諭之秦民大喜爭持牛羊酒食獻享軍士沛公讓曰倉粟多不欲費民民

又益喜惟恐沛公不為秦王或說沛公曰秦富十倍天下地形彊今聞章邯降項羽羽號曰雍王王關中即來沛公恐不得有此可急使守函谷關毋內諸侯軍稍徵關中兵以自益距之沛公然其計從之十二月項羽果率諸侯兵欲西入關關門閉聞沛公已定關中羽大怒使黥布等攻破函谷關遂至戲下亞夫范增說羽曰沛公居山東時貪財好色今聞其入關珍物無所取婦女無所幸此其志不小吾使人望其氣皆為龍成五色此天

子氣急擊之勿失於是饗士旦日合戰沛公用項伯張

良謀來謝得免項羽使報懷王懷王曰如約

謂令沛公王關中

項羽怒陽尊懷王為義帝自立為西楚霸王更立沛公

為漢王王巴蜀漢中漢王怒羽之背約欲攻之丞相蕭

何諫乃止夏四月諸侯罷戲下各就國羽使卒三萬人

從漢王楚子諸侯人之慕從者數萬人從杜南入蝕中

蝕音力入漢中川谷名

張良辭歸韓漢王送至褒中因說漢王燒

絕棧道以備諸侯盜兵且示項羽無東意漢王既至南

鄭諸將及士卒皆歌謳思東歸多道亡還者韓信為治粟都尉亦亡去蕭何追還之因薦於漢王曰必欲爭天下非信無可與計事者於是漢王齋戒設壇場拜信為大將軍問以計策信對曰項羽背約而王君王於南鄭是遷也吏卒皆山東之人日夜企而望歸及其鋒而用之可以有大功天下已定民皆自寧不可復用不如決策東向因陳羽可圖三秦易并之計漢王大悅遂聽信策部署諸將留蕭何收巴蜀租給軍糧食五月漢王引

兵從故道出襲雍雍王邯迎擊漢陳倉雍兵敗還走戰
好時又大敗走廢丘漢王遂定雍地東如咸陽引兵圍
雍王廢丘而遣諸將略地塞王欣翟王醫皆降漢項羽聞漢
王并關中而齊梁畔之羽大怒乃以故吳令鄭昌為韓王距漢
令蕭公角擊彭越越敗角兵時張良徇韓地遺羽書曰漢欲
得關中如約即止不敢復東羽以故無西意而北擊齊九月
漢王遣將軍薛歐王吸出武關因王陵兵從南陽迎太
公呂后於沛羽聞之發兵距之陽夏不得前二年十月

項羽使九江王布殺義帝於郴十一月漢王還都櫟陽使諸將畧地二月癸未令民除秦社稷立漢社稷三月為義帝發喪袒而大哭發使告諸侯擊楚之殺義帝者四月田榮弟橫收得數萬人立榮子廣為齊王羽雖聞漢東既擊齊欲遂破之而後擊漢漢王以故得劫五諸侯兵恒山河南魏韓殷也東伐楚到外黃彭越將三萬人歸漢漢王拜越為魏相令定梁地漢王遂入彭城收其貨賂美人日置酒高會羽乃從蕭晨擊漢軍而東至彭城日中

大破漢軍

早擊之至日中大破

漢軍皆走迫之殺泗水

二水皆在沛郡彭城

地漢軍皆南走山

走趣也

楚又追擊至靈璧東睢水上

音睢

雖

漢軍卻為楚所擠

擠排也又音子奚反

多殺漢卒十餘萬皆入

睢水睢水為之不流

殺人多填於水中

漢王乃與數十騎遁去

太公呂后間求漢王

間行而求之

反遇楚軍楚軍與歸羽常

置軍中呂后兄周呂侯將兵居下邑漢王從之稍收士

卒軍碭蕭何發關中老弱未傅者詣軍

傅著也音附言著於名籍給公

家徭役也韓信亦收兵與漢王會漢兵復大振與楚戰滎陽

南京索間破之築甬道屬河以取敖倉粟魏王豹謁歸視親疾至則絕河津反為楚六月漢王還櫟陽八月如滎陽以韓信為左丞相與曹參灌嬰俱擊魏九月信等虜魏王豹定魏地信使人請兵三萬願以北舉燕趙東擊齊南絕楚糧道漢王與之三年十二月黥布歸漢漢王俱收兵至成臯項羽數侵奪甬道漢軍乏食四月漢王請和割滎陽以西為漢羽欲聽之歷陽侯范增曰漢易與耳今不取後必悔之羽乃急圍滎陽漢王患之用陳平計以黃金四萬

斤間疏楚君臣項羽果疑范增增大怒而去五月漢將軍紀信詐為漢王出降以誑楚軍故得出滎陽至成臯自成臯入關收軍復軍成臯八月臨河南鄉軍小脩武欲復戰

郎中鄭忠說止漢王高壘深塹勿戰漢王聽其計使盧綰

劉賈將卒二萬人騎數百渡白馬津入楚地佐彭越燒楚

積聚

所畜軍糧芻橐之屬

復擊破楚軍燕郭西

燕縣名古南燕國

攻下睢陽

外黃十七城四年十月漢王項羽相與臨廣武之間而語

羽欲與漢王獨身挑戰漢王數羽

數責其罪也

曰吾始與羽俱

受命懷王曰先定關中者王之羽負約王我於蜀漢罪

一也羽矯殺卿子冠軍自尊罪二也

卿子時人相褒尊之意猶言公子也

時宋義為上將軍故言冠軍矯詐也

羽當以救趙還報而擅劫諸侯兵入

關罪三也懷王約入秦無暴掠羽燒秦宮室掘始皇帝冢

收私其財罪四也又彊殺秦降王子嬰罪五也詐坑秦子

弟新安二十萬王其將

章邯等為王也

罪六也皆王諸將善地而

徙逐故主令臣下爭畔罪七也出逐義帝彭城自都之奪

韓王地并王梁楚多自與罪八也使人陰殺義帝江中罪

九也夫為人臣而殺其主殺其已降為政不平主約不

信天下所不容大逆無道罪十也吾以義兵從諸侯誅

殘虐使刑餘罪人擊公

言輕賤也

何苦乃與公挑戰羽大怒

伏弩射中漢王漢王因馳入成舉羽為高俎置太公其

上

高俎几之上也俎者所以薦肉示敬亨之故置俎上

告漢曰今不急下吾亨太

公漢王曰吾與若俱北面受命懷王約為兄弟吾翁即

汝翁

翁謂父也

必欲亨迺翁幸分我一杯羹

迺亦汝也古者以杯盛羹今之

側杯有兩耳者是也

羽怒欲殺之項伯曰天下事未可知且為天

下者不顧家雖殺之無益但益怨耳羽從之十一月漢王西入關至櫟陽留四日復入廣武八月項羽食盡韓信又進兵擊楚漢使侯公說羽乃與漢約中分天下割洪溝以西為漢

洪溝在櫟陽東南二十里

以東為楚九月歸太公呂

后羽解而東歸五年十月漢王追項王至陽夏南上軍與齊王韓信魏相國越期會擊楚十一月劉賈入楚地圍壽春十二月圍羽垓下羽夜聞漢軍四面皆楚歌知盡得楚地羽與數百騎走以是兵大敗灌嬰追斬羽東

城楚悉定獨魯不下漢王引天下兵欲屠之為其守節
禮義之國乃持羽頭示其父兄魯乃降詔曰兵不得休
八年萬民與苦甚

與讀曰預言
相干與也

今天下事畢其赦天下

殊死已下

魏太祖初為典軍校尉後漢中平六年董卓既廢弘農
王而立獻帝京都大亂表太祖為驍騎將軍欲與計事
太祖乃變易姓名間行東歸卓歸遂殺太后及弘農王
太祖至陳畱散家財合義兵將以誅卓冬十二月始起

兵已吾

已吾縣名屬陳畱郡世語曰陳畱孝廉衛茲以家財資太祖始起兵有衆五千人

初平

元年正月後將軍袁術冀州牧韓馥豫州刺史孔伋兗州刺史劉岱河內太守王匡渤海太守袁紹陳畱太守張邈東郡太守橋瑁山陽太守袁遺濟北相鮑信俱同時起兵衆各數萬討董卓紹問太祖曰若事不輯則方面何所可據公曰足下意以為何如紹曰吾南據河北阻燕代兼夷狄之衆南向以爭天下庶可以濟乎公曰吾任天下之智力以道御之無所不可推紹為盟主

於是太祖行奮武將軍二月卓聞兵起乃徙天子都長
安卓留屯雒陽遂焚宮室是時紹屯河內邈岱瑁遺屯
酸棗術屯南陽由屯潁川馥屯鄴卓兵彊紹等莫敢先
進太祖曰舉義兵以誅暴亂大眾已合諸君何疑向使
董卓聞山東兵起倚王室之重據二周之險東向以臨
天下雖以無道行之猶足為患今焚燒宮室劫遷天子
海內震動不知所歸此天亡之時也一戰而天下定矣
不可失也遂引兵西將據成臯邈遣將衛茲分兵隨太

祖到滎陽汴水遇卓將徐榮與戰不利士卒傷死甚多
太祖為流矢所中所乘馬被創從弟洪以馬與太祖得
夜遁去榮見太祖所將兵少力戰盡日謂酸棗未易攻
也亦引兵還太祖還到酸棗諸軍兵十餘萬日置酒高會
不圖進取太祖責讓之因為謀曰諸軍聽吾計使渤海
引河內之眾臨孟津酸棗諸將守成臯據敖倉塞轅轅
大谷全制其險使袁將軍率南陽之軍
臣欽若等曰
袁將軍紹也軍
丹析入武關以震三輔皆高壘深壁勿與戰益為疑兵

示天下形勢以順誅逆可立定也今兵以義動持疑而
不進失天下之望竊為諸君恥之邈等不能用太祖兵
少乃與夏侯惇等詣揚州募兵刺史陳溫丹陽太守周
昕與兵四千餘人還到龍亢士卒多叛至鍾建平復收
兵得千餘人進屯河內劉岱與橋瑁相惡岱殺瑁以王
肱領東郡太守袁紹與韓馥謀立幽州牧劉虞為帝太
祖拒之二年七月黑山賊于毒白繞眭固等眭音申十
餘萬眾略魏郡東郡王肱不能禦太祖引兵入東郡擊

白繞於濮陽破之袁紹因表太祖為東郡太守三年春擊睢固又大破之青州黃巾眾百萬入兗州殺任城相鄭遂轉入東平劉岱與戰為賊所殺鮑信與州吏萬潛等至東郡迎太祖領兗州牧遂進兵擊黃巾於壽張東破之追至濟北乞降冬受降卒三十餘萬男女百餘萬口收其精銳者號為青州兵四年春太祖軍鄆城袁術與紹有隙荊州牧劉表斷術糧道術引兵入陳畱屯封丘使將劉祥屯匡亭太祖擊祥術救之與戰大破之興

平元年夏使荀彧程昱守鄆城太祖征陶謙拔五城遂略地至東海會張邈與陳宮叛迎呂布郡縣皆應布攻鄆城不能下西屯濮陽太祖圍之濮陽大姓田氏為反間太祖得入城燒其東門示無反意及戰軍敗布騎得太祖而不知是問曰曹操何在太祖曰乘黃馬走者是也布騎乃釋太祖而追黃馬者門火猶盛太祖突火而出復進軍攻之與布相守百餘日九月太祖還鄆城布到乘氏為其縣人李進所破二年春太祖襲定陶濟陰

太守吳資保南城未拔會布至又擊破之建安元年七月揚奉韓暹以天子還雒陽太祖遂至雒陽衛京都天子假太祖節鉞錄尚書事雒陽殘破董昭等勸太祖都許九月車駕出轅轅而東以太祖為大將軍封武平侯二年九月袁術侵陳太祖東征破之術走渡淮三年九月東征呂布屠彭城獲其相侯諧進至下邳布自將騎逆擊大破之追至城下用荀攸郭嘉計決泗沂水以灌城月餘布將宋憲等執陳宮舉城降生擒布宮皆殺之

四年春張楊將楊醜殺楊睦固又殺醜以其衆屬袁紹

屯射犬

射犬地名

太祖進軍臨河因使楊故長史薛洪河內

太守繆尚畱守自將兵北迎袁紹太祖遂濟河圍射犬

洪尚率衆降五年十月破袁紹於官渡乃上言曰大將

軍鄴侯袁紹前與冀州牧韓馥立故大司馬劉虞刻作

金璽遣故任長畢瑜詣虞為說命錄之數又紹與臣書

曰可都鄴城當有所立擅鑄金銀印孝廉計吏皆往詣

紹從弟濟陰太守敍與紹書云今海內喪敗天意實在

我家神應有徵當在尊兄南兄臣下欲使即位南兄言
以年則北兄長以位則北兄重便欲送璽會曹操斷道
紹宗族累世受國重恩而凶逆無道乃至如此輒勒兵
馬與戰官渡乘聖朝之威得斬紹大將淳于瓊等紹衆
大潰棄軍渡河遂收其輜重圖書珍寶虜其衆六年九
月南征劉備備聞太祖自行走奔劉表七年五月袁紹
死小子尚代九月太祖征之連戰尚敗八年三月攻其
郭大破之尚夜遁九年四月尚將沮鵠守邯鄲

沮音

太

祖擊拔之十年正月攻袁譚平冀州四月黑山賊張燕率其衆十餘萬降十一年正月征高幹平壺關十二年七月引軍出盧龍塞外使張遼為先鋒虜衆大潰斬蹋頓及名王已下胡漢降者二十餘萬口十三年七月征劉表表卒其子琮代屯襄陽九月太祖到新野琮遂降十七年正月天子命太祖贊拜不名入朝不趨劔履上殿十八年五月天子使御史大夫郗慮持節策命為魏公七月始建魏社稷宗廟二十一年五月進爵為王二

十五年正月文帝即位追尊武皇帝廟號太祖

文帝太祖太子後漢建安十六年為五官中郎將副丞相二十二年為魏太子二十五年嗣位為丞相魏王改建安二十四年為延康元年五月馮翊山賊鄭甘王怡率眾降六月辛亥治兵於東郊庚午遂南征七月孫權遣使奉獻蜀將孟達率眾降武都民王楊僕率種人內附居漢陽郡十一月遂受漢禪

冊府元龜卷五

欽定四庫全書

子部
冊府元龜卷七
七

詳校官中書臣瞿照

員外郎臣牛稔文覆勘

總校官庶吉士臣何思鈞

校對官典簿臣郭祚熾

謄錄監生臣劉紳

欽定四庫全書

冊府元龜卷六

宋 王欽若等 撰

帝王部

創業第二

晉宣帝司馬氏後漢京兆尹防之子

臣欽若等曰自防以下事迹具帝王

帝系

建安中魏太祖為漢丞相辟文學掾轉東曹屬又

轉為主簿從討張魯又從征孫權破之魏國建遷太子

中庶子文帝即王位以帝為丞相長史封河津亭侯及

魏受漢禪以帝為尚書黃初二年遷侍中尚書右僕射
文帝疾篤帝與曹真等竝受顧命輔政明帝即位改封
舞陽侯孫權圍江夏遣其將諸葛瑾張霸并攻襄陽帝
督諸軍討權走之進擊敗瑾斬霸并首級千餘遷驃騎
將軍太和元年蜀降將孟達領新城太守連吳固蜀潛
圖中國帝發書喻之達猶豫不決帝潛軍進討倍道兼
行八日到其城下八道攻之旬有六日達甥鄧賢將李
輔等開門出降遂斬達首傳京師四年加大將軍大都

督假黃鉞與曹真伐蜀帝自西城斫山開道水陸並進

沂沔而上至于朐臆

朐音蠢臆音如允反地名

拔其新豐縣軍次丹

口遇雨班師五年蜀將諸葛亮寇天水乃使帝西屯長

安都督雍梁二州諸軍事統車騎將軍張郃後將軍費

曜征蜀進次漢陽與亮相遇亮退追至祁山亮屯鹵城

據南北二山斷水為重圍帝攻拔其圍亮宵遁追擊破

之俘斬萬計青龍二年亮又率衆十餘萬出斜谷壘于

郿之渭水南原天子遣征蜀護軍秦朗督步騎二萬受

帝節度帝與亮會于積石臨原而戰亮不得進還于五丈原帝遣奇兵犄亮之後斬五百餘級獲生口千餘降者六百人會亮死其部將楊儀魏延爭權儀斬延并其衆帝欲乘隙而進有詔不許三年遷太尉蜀將馬岱入寇帝遣將軍牛金擊走之景初二年率胡遵等步騎四萬伐公孫文懿于遼東與賊營相逼會霖潦大水平地數尺三軍恐欲移營帝令軍中敢有言徙者斬都督令史張靜犯令斬之軍中乃定尋戰而克之明帝末與大

將軍曹真並受遺詔輔少主齊王即帝位遷帝侍中持節都督中外諸軍錄尚書事與大將軍曹真各統兵三千人共執朝政真欲使尚書奏事先繇己乃言於天子徙帝為大司馬朝議以為前後大司馬累薨於位乃加太傅入殿不趨贊拜不名劔履上殿正始二年吳人入寇帝督諸軍南征車駕送出津陽門帝以南方暑濕不宜持久使輕騎挑之然不敢動於是休戰士簡精銳募先登申號令示必攻之勢吳軍夜遁走追至三洲口斬

獲萬餘人收其舟船軍資而還天子遣侍中常侍勞軍于宛嘉平元年正月天子謁高陵與兄弟皆從是日太白襲月帝乃奏永寧太后廢與兄弟有司劾黃門張當并發與何晏等反事乃收與兄弟及其黨誅之二月天子以帝為丞相三年八月薨長子師次子昭繼為大將軍輔政晉國建追尊宣王武帝受禪追尊號曰宣皇帝景帝宣帝長子魏景初中拜散騎常侍累遷中護軍宣帝之誅曹爽也深謀秘策與帝潛畫初帝陰養死士

三千散在人間至是一朝而集衆莫知其所出事平以
功封長平鄉侯加衛將軍及宣帝薨議者咸云伊尹既
卒伊陟嗣事天子命帝以撫軍大將軍輔政嘉平四年
遷大將軍加侍中持節都督中外諸軍錄尚書事命百
官舉賢良明少長卹窮獨理廢滯四海傾注朝野肅然
或有請改易制度者帝曰不識不知順帝之則詩人之
美也三祖典制所宜遵奉自非軍事不得妄有改革五
年五月吳太傅諸葛恪圍新城帝使鎮東將軍毋丘儉

揚州刺史文欽等距破之正元元年正月天子與中書
令李豐后父光祿大夫張緝黃門監蘇鑠永寧署令樂
敦冗從僕射劉寶賢等謀以太常夏侯玄代帝輔政帝
密知之使舍人王羨以車迎豐豐見迫隨羨而至帝殺
之豐知禍及因肆惡言帝怒遣勇士以刀鏢築殺之逮
捕玄緝等皆夷三族三月乃諷天子廢皇后張氏天子
以玄緝之誅深不自安而帝亦慮難作潛謀廢立乃密
諷永寧太后下令廢天子為齊王遣使迎高貴鄉公於

元城立之公以帝為相國增邑至四萬戶帝固辭相國
二年正月毋丘儉文欽舉兵作亂矯太后令移檄郡國
為壇盟於西門之外各遣子四人質於吳以請救二月
儉欽帥眾六萬渡淮而西帝會公卿謀征討計朝議多
謂可遣諸將擊之太常王肅及尚書傅嘏中書侍郎鍾
會勸帝自行帝統中軍步騎十餘萬以征之倍道兼行
召三方兵大會于陳許之郊斬儉傳首京師欽遂奔吳
淮南平閏月帝疾篤使弟昭摠統諸軍晉國既建追尊

景王武帝受禪上尊號曰景皇帝文帝景帝母弟帝魏
景初三年封新城侯正始初為雒陽典農中郎將轉散
騎常侍大將軍曹爽伐蜀以帝為征蜀將軍副夏侯玄
出駱谷次于興平勸玄旋軍以為後圖還拜議郎蜀將
姜維寇隴右征西將軍郭淮自長安距之以帝為安西
將軍持節屯關中為諸軍節度淮攻維別將句安於趨
久而不決帝乃進據長城南趣駱谷以疑之維懼退保
南鄭安軍絕援率眾來降轉安東將軍持節鎮許昌及

大軍討王陵帝督淮北諸軍事帥師會于項假金邱紫
綬蜀將姜維又寇隴右揚聲欲攻狄道以帝行征西將
軍次長安維燒營而去會新平羗胡叛帝擊破之遂耀
兵靈州北虜震警叛者悉降高貴鄉公立以參定策進
封高都侯毋丘儉文欽之亂大軍東征帝兼中領軍留
鎮雒陽及景帝疾篤帝自京都省疾拜衛將軍景帝薨
天子命帝鎮許昌尚書傅燬帥六軍還京師帝用燬及
鍾會策自帥軍而還至雒陽進位大將軍加侍中都督

中外諸軍錄尚書事輔政劔履上殿帝固辭不受甘露
元年正月加大都督六月進封高都公地方七百里加
之九錫又固辭不受二年五月鎮東大將軍諸葛誕殺
揚州刺史樂綝以淮南作亂遣子覲為質於吳以請救
七月帝奉天子及皇太后東征徵兵青徐荆豫分取關
中遊軍皆會淮北師次於項又進軍丘頭吳使文欽等
將三萬人救誕三年正月誕欽等出攻長圍諸軍逆擊
走之初誕欽內不相協會欽計事與忤誕手刃殺欽

子鵞攻誕不克帝使諸將攻而拔之斬誕夷三族四月
歸京師天子命改丘頭曰武丘以旌武功五月進封晉
公加九錫進位相國帝九讓乃止景元元年四月天子
以帝三世宰輔政非已出情不能安又慮廢辱將臨軒
召百僚而行放黜五月戊子夜使冗從僕射李昭等發
甲於凌雲臺召侍中王沉散騎常侍王業尚書王經出
懷中黃素詔示之戒嚴俟旦沉業等馳告於帝帝召護
軍賈充為之備天子知事泄帥左右攻相府稱有所討

太子舍人成濟抽戈犯蹕帝斬濟夷其三族與公卿議立嘗道鄉公為帝四年天子乃申前命以太原等十郡封帝為晉公加九錫遣征西將軍鄧艾伐蜀於是徵四方之兵十八萬使艾自狄道攻姜維於沓中雍州刺史諸葛緒自祁山軍於武街絕維歸路鎮西將軍鍾會帥前將軍李輔征蜀護軍胡烈等自駱谷襲漢中艾帥萬餘人自陰平踰絕險至江油破蜀將諸葛瞻於綿竹進軍雒縣遂降劉禪又命晉公以相國摠百揆於是上節

傳去侍中大都督錄尚書之號咸熙元年三月進爵為
王增封并前二十郡二年八月薨謚曰文王武帝受禪
追尊號曰文皇帝

武帝文帝長子仕魏累遷中護軍封新昌鄉侯晉國建
立為世子拜撫國大將軍開府副相國咸熙二年五月
為晉王太子八月嗣相國晉王位下令寬刑宥罪撫衆
息役十一月初置四護軍以統城外諸軍十一月遂受

魏禪

後魏道武皇帝拓拔氏昭成皇帝嫡孫

臣欽若等曰昭成以上事起止

悉具帝王帝系門

始六歲居昭成喪偽秦苻堅使劉庫仁劉衛

辰分攝國事南部大人長孫嵩盡將故民南依庫仁帝

轉幸獨孤部其後七年十月苻堅敗於淮南是月庫仁

為慕容文等所殺以其弟眷攝國部九年庫仁子顯殺

眷而代之乃將謀逆

臣欽若等曰將謀逆謂將殺道武

商人王霸知之

履帝足於衆中帝乃馳還是時故大人梁蓋盆子六春

為顯謀主盡知其計密使部人穆崇馳告帝乃陰結舊

臣長孫捷元他等幸賀蘭部顯使人求帝不及明年正月戊申帝即代王位于牛川建元登國元年復以長孫嵩為南部大人以叔孫普雄為北部大人班叙勲勞各有差二月幸定襄之盛樂息眾課農三月劉顯臣欽若等曰劉

顯即劉庫仁之子是也自善無南走馬邑其族奴真率部來降四月

改稱魏王五月車駕東幸陵石護佛侯部帥侯辰乙弗部帥代題叛走諸將請追之帝曰侯辰等世修職役雖有小愆宜且忍之當今草創人情未一愚近者固應

趙超不足追也七月己酉車駕還盛樂代題復以部落來降旬有數日亡奔劉顯帝使其孫倍斤代領部落是月劉顯弟肺泥率騎掠奴真部落既而率以來降初帝叔父窟咄為苻堅徙于長安因隨慕容永以為新興太守八月劉顯遣弟亢泥迎窟咄以近隨之來逼南境於是諸部騷動人心顧望帝左右于桓等與諸部人謀為逆以應之事泄誅造謀五人餘悉不問帝慮內難乃北踰陰山幸賀蘭部阻山為固遣行人安同長孫賀使于

慕容垂以徵師垂遣使朝貢并令其子賀麟率步騎以
隨同等十月賀麟軍未至而寇已前逼於是北部大人
叔孫普雄等十三人及諸烏丸亡奔衛辰帝自弩山遷
幸牛川屯于延水南出代谷會賀麟於高柳大破窟咄
窟咄奔衛辰衛辰殺之帝悉收其衆十二月慕容垂遣
使朝貢奉帝西單于印綬封上谷王帝不納是歲慕容垂僭稱皇
帝於中山自號大燕苻丕死苻登自立於壘東姚萇稱
皇帝於長安自號大秦慕容冲為部下所殺慕容永僭
也二年六月征劉顯於馬邑南追至彌臯大破之顯南

奔慕容永盡收其部落三年五月北征庫莫奚六月大破之獲其四部雜畜十餘萬七月庚申庫莫部帥鳩集遺散夜犯行宮帝縱騎撲討盡殺之十二月西征至女水討解如部大破之四年正月襲高車諸部落二月至女水討叱突隣部皆大破之五年三月西征次鹿津海襲高車袁紇部四月幸意辛山討賀蘭紇突隣紇奚諸部落皆大破之九月討吐奴部於囊典河十月討高車豆陳部於狼山亦皆破之六年二月遣九原公儀陳留

公虔等

臣欽若等曰儀虔二公皆宗室

西討黠弗部破之七月衛辰遣

子首力靺出稠陽塞侵及黑城九月襲五原屠之十月北征蠕蠕追及之於大磧南林山下大破之十一月首力靺寇南部帝討之大破其軍於鐵岐山自五原金津南度河次其所居悅跋城衛辰父子奔遁擒斬之自河以南諸部悉平八年三月西征侯呂隣部四月至苦水大破之八月南征薛于部帥太悉佛於三城會其先出擊曹覆帝乘虛屠其城獲其子女珍寶徙其民而還皇

始元年七月左司馬許謙上書勸進尊號帝始建天子
旌旗初建臺省置百官封公侯將軍刺史太守尚書郎
已下悉用文人天興元年六月丙子詔有司議定國號
羣臣曰昔周秦以前世居所生之土有國有家及王天
下即承為號自漢以來罷侯置守時無世繼其應運而
起者皆不繇尺土之資今國家萬世相承啓基雲代臣
等以為若取長遠應以代為號詔曰昔朕遠祖摠御幽
都控制遐國雖踐王位未定九州逮于朕躬處百代之

季天下分裂諸華之主民俗雖殊撫之在德故躬率六軍掃平中土凶逆蕩除遐邇率服宜仍先號以為魏馬布告天下咸知朕意閏十一月左丞相驃騎大將軍魏王儀及諸王公卿士等上表勸進即皇帝位帝三讓乃許之

後周太祖文帝宇文氏德皇帝之子

德皇帝事迹並具帝王系門後

魏明帝孝昌二年燕州亂太祖始以統軍從爾朱榮征之先是北海王顥奔梁梁人立為魏主令率兵入雒魏

孝莊帝出居河內以避之榮遣賀拔岳討顥仍迎孝莊
帝太祖與岳有舊乃以別將從岳及孝莊帝反正以功
封寧都子邑三百戶遷鎮遠將軍步兵校尉万俟醜奴
作亂關右孝莊帝遣爾朱天光及岳等討之太祖遂從
岳入關先鋒破偽行臺尉遲菩薩等及平醜奴定隴右
太祖功居多遷征西將軍金紫光祿大夫增邑三百戶
加直閣將軍普泰二年爾朱天光東拒齊神武留弟顯
壽鎮長安秦州刺史侯莫陳悅為天光所召將軍衆東

下賀拔岳知天光必敗欲留悅共圖顯壽而計無所出
太祖謂岳曰今天光未有二心若以此事告之恐其驚
懼然悅雖為主將不能制物若先說其衆必人有留心
進失爾朱之期退恐人情變動乘此說悅事無不遂岳
大喜即令太祖入悅軍說之悅遂不行乃相率襲長安
令太祖輕騎為前鋒策顯壽怯懦聞諸軍將至必當東
走恐其遠遁乃倍道兼行顯壽果已東走追至華山擒
之太昌元年關西大行臺賀拔岳以太祖為左丞領岳

府司馬加散騎常侍事無巨細皆委決焉齊神武既破爾朱遂專朝政太祖請往觀之既至并州齊神武問岳軍事太祖占對雄辨齊神武以為非常人欲留之太祖詭陳忠款乃得反命遂星夜就道齊神武果遣追之至關不及太祖還謂岳曰高歡非人臣也逆謀所以未發者憚公兄弟耳然凡欲立大功正社稷未有不因地勢總英雄而能克成者也侯莫陳悅本實庸材遭逢際會遂叨任委既無憂國之心亦不為高歡所忌但為之備

圖之不難今費也投控弦之騎不下一萬夏州刺史解
拔彌俄定勝兵之士三千餘人及靈州刺史曹泥竝恃
其僻遠嘗懷異望河西流民紇豆陵伊利等戶口富實
未奉朝命今若移軍近隴扼其要害示之以威懷之以
德即收其士馬以實吾軍西輯玄羗北撫沙塞還軍長
安正輔魏室此桓文舉也岳大悅復遣太祖詣關請事
密陳其狀魏帝深納之加太祖武衛將軍還令報岳遂
引軍西次平涼謀於其衆曰夏州隣接寇賊須加綏撫

安得良刺史以鎮之衆皆曰宇文左丞即其人也岳曰
左丞吾之左右手也如何可去沉吟累日乃從衆議於
是表太祖為使持節衛將軍夏州刺史太祖至州伊利
望風款附而曹泥猶通使於齊神武魏永熙三年春正
月岳欲討曹泥遣都督趙貴至夏州與太祖計事太祖
曰曹泥孤城阻遠未足為憂侯莫陳悅怙衆密通貪而
無信必將為患願早圖之岳不聽遂與悅俱討泥二月
至于河曲岳果為悅所害其士衆散還平涼唯大都督

趙貴率部曲收岳屍還營三軍未有所屬諸將以都督
寇雒年最長相與推雒以總兵事雒素無雄畧威令不
行乃謂諸將曰雒智能本闕不宜統御近者迫於羣議
權相攝領今請避位更擇賢才於是趙貴言於衆曰元
帥忠公盡節暴於朝野勲業未就奄罹凶酷豈唯國喪
良宰固亦衆無所依必欲糺合同盟復讐雪恥須擇賢
者摠統諸軍舉非其人則大事難集雖欲立忠建義其
可得乎竊觀宇文夏州英姿不世雄謨冠時遠邇歸心

士卒用命加以法令齊肅賞罰嚴明真足恃也今若告
喪必來赴難因而奉之即大事集矣諸將皆稱善乃命
赫連馳至夏州告太祖曰侯莫陳悅不顧盟誓棄恩背
德賊害忠良羣情憤惋控告無所公昔居管轄恩信著
聞今無小無大咸願推奉衆之思公引日成歲願勿稽
留以慰衆望也太祖將赴之夏州吏民咸泣請曰聞悅
今在永維去平涼不遠若已有賀拔公之衆則圖之實
難願且停留以觀其變太祖曰悅既害元帥自應乘勢

直據平涼而反趙趙屯兵永雒吾知其無能為也且難
得易失者時也不俟終日者機也今不早赴將恐衆心
自離都督彌姐元進規欲應悅密圖太祖事發斬之太
祖乃發輕騎馳赴平涼時齊神武遣長史侯景招引岳
衆太祖至安定遇之謂景曰賀拔公雖死宇文泰尚存
卿何為也景失色對曰我猶箭耳隨人所射安能自裁
景於此即還太祖至平涼哭岳甚慟將士且悲且喜曰
宇文公至無所憂矣于時魏孝武帝將圖高歡聞岳被

害遣武衛將軍元毗宣旨慰勞追岳軍還雒陽毗到平涼會諸將已推太祖侯莫陳悅亦被勅追還悅既附高歡不肯應召太祖謂諸將曰侯莫陳悅枉害忠良復不應詔命此國之大賊豈可容之乃命諸軍戒嚴將以討悅及元毗還太祖表於魏帝曰臣前以故關西大都督臣岳竭誠奉國橫罹非命三軍喪氣朝野痛惜都督寇雒等銜冤茹憾志雪讐恥以臣昔同幕府苦賜要結臣便以今月十四日輕來赴軍當發之時已有別表既為

衆情所逼權掌兵事詔召岳軍人入京此乃為國良策
但高歡之衆已至河東侯莫陳悅猶在永維在此軍士
多是關西之人皆戀鄉邑不願東下今逼以上命悉令
赴闕悅躡其後歡邀其前首尾受敵其勢危矣臣殞身
王事誠所甘心恐敗國殄人所損更大乞少停緩更思
後圖徐事誘導漸就東引太祖志在討悅而未測朝旨
且兵未集假此為詞因與元毗及諸將刑牲盟誓同獎
王室魏帝詔太祖曰賀拔岳既殞士衆未有所歸卿可

為大都督即相統領知欲漸就東下良不可言今亦徵
侯莫陳悅士馬入京若其不來朕當親自致罰宜體此
意不過淹留太祖表曰侯莫陳悅違天逆理酷害良臣
自以專戮罪重不恭詔命阻兵永維強梁秦隴臣以大
宥既班忍抑私憾頗問悅及都督可朱渾元等歸闕早
晚而悅竝維繫使人不敢反報觀其指趣勢必別圖臣
正為此未敢自拔兼順衆情乞少停緩太祖乃與悅書
責之曰頃者正光之末天下沸騰塵飛河朔霧塞荆沔

故將軍賀拔公攘袂勃起志寧寓縣援戈南指拯皇靈
於已墜擁旌西邁濟百姓於淪胥西顧無憂緊公是賴
勲伐茂隆遂征關右此乃行路所知不藉一二談也君
實名微行薄本無遠量故將軍行遷喬之志篤彙征之
理乃申啓朝廷薦君為隴右行臺朝議以君功名闕然
未之許也遂頻煩請謁至於再三天子難違上將便於
聽許是亦遐邇共知不復煩之翰墨縱使木石為心猶
當知感况在生靈安能無愧加以王室多故高氏專權

主上虛心寄隆晉鄭君復與故將軍同受密旨屢結盟
約期於畢力共戡時難而貌恭心狼妬勝嫉賢口血未
乾匕首已發協黨固賊共危本朝孤恩負誓有覲面目
豈不上畏於天下慙於地吾以弱才猥當藩牧蒙朝廷
拔擢之恩故荷將軍國士之遇聞問之日魂守驚馳便
陳啓天朝蹙來奔赴衆情所推遂當戎重比有勅旨召
吾還闕亦有別詔命君入朝雖操行無聞而年齒已宿
今日進退唯君是視君若督率所部自山隴東邁吾亦

摠勒師徒北道還闕共追廉藺之迹同慕寇賈之風如其首鼠兩端不時奉詔專戮違旨國有常刑枕戈坐甲指日相見幸圖利害無貽噬臍悅既知太祖謀已詐爲詔書與秦州刺史万俟普撥令與悅為黨援普撥疑之封詔以呈太祖太祖表之曰臣自奉詔總平涼之師責重憂深不遑啓處訓兵秣馬唯思竭力前以人戀本土侯莫陳悅窺窬進退量度且宜住此今若召悅授以境內官臣列旆東轅匪朝伊夕朝廷若以悅堪為邊扞乞

處以瓜涼一藩不然則終致猜虞於事無益初原州刺史史歸為岳所親任河曲之變反為悅守悅遣其黨王伯和成次安將兵二千人助歸鎮原州太祖遣都督侯莫陳崇率輕騎一千襲歸擒之并獲次安伯和等送於平涼太祖表崇行原州事万俟普撥又遣其將北干保維領二千騎來從軍三月太祖進軍至原州衆軍悉集諭以討悅之意士卒莫不懷憤太祖乃表曰臣聞誓死酬恩覆宗報主人倫所急赴蹈如歸自大都督臣岳歿

後臣頗奉詔還闕秣馬戒途志不俟旦直以督將已下
咸稱賀拔公視我如子今讐恥未報亦何面目以處世
間若得一雪冤酷萬死無恨且悅外附強臣內違朝旨
臣今上思逐惡之志下遂節士之心冀仗天威為國除
害小違大順實在茲辰克定之後伏待斧鉞四月引兵
上隴留兄子遵為都督鎮原州太祖軍令嚴肅秋毫無
犯百姓大悅識者知其有成軍出木峽關大雨雪平地
二尺太祖知悅怯而多猜乃倍道兼行出其不意悅果

疑其左右有異志者左右亦不自安衆遂離貳聞大軍且至退保畧陽留一萬餘人據守永雒太祖至永雒命圍之城降太祖即率輕騎數百趨畧陽以臨悅軍悅大懼乃召其部將議之皆曰此鋒不可當勸悅退保上邽以避之時南秦州刺史李弼亦在悅軍乃間道遣使請為內應其夜悅出軍中自驚潰將卒或相率來降太祖縱兵奮擊大破之虜獲萬餘人馬八千匹悅與其子弟及麾下數十騎遁走太祖曰悅本與曹泥應接不過走

向靈州乃令原州都督遵邀其前都督賀拔穎等追其
後遵至牽屯山追及悅斬之太祖入上邽悅府庫財物
山積皆以賞士卒毫釐無所取左右竊一銀鏤甕以歸
太祖知而罪之即剖賜將士衆大悅時高歡已有異志
故魏帝深仗太祖乃徵二千騎鎮東雍州助為聲援仍
令太祖引軍而東太祖遣大都督梁禦率步騎五千鎮
河渭合口為圖河東之計遂入雍州魏帝進太祖侍中
驃騎大將軍開府儀同三司關西大都督畧陽縣公尋

授尚書僕射關西大行臺時魏帝方圖齊神武太祖乃
傳檄方鎮曰蓋陰陽遞用盛衰相襲苟當百六無問三
五皇家創厯陶鑄蒼生保安四海仁育萬物運距季末
屯沴屢起隴冀騷動燕河狼顧雖靈命重起蕩定有期
而乘釁之徒因生羽翼賊臣高歡器識庸下出自輿阜
罕聞禮義直以一介鷹犬効力戎行覲冒恩私遂階榮
寵不能竭誠盡節專挾姦回乃勸爾朱榮行茲篡逆及
榮以專政伏誅世隆以凶黨外叛歡苦相敦勉令取京

師又勸吐萬兒復與弑虐暫立建明以令天下假推普
泰欲竊威權並歸廢斥俱見酷害於是稱兵河北假討
爾朱復通表奏云取讒賊既行廢黜遂將篡弑以人望
未改恐鼎鑊交及乃求宗室權允人心天方與魏必將有
主翊戴聖明誠非歡力而歡阻兵安忍自以為功廣布
腹心跨州連郡揆禁閹莫非親黨皆行貪虐竄竄生
人而舊將名臣正人直士橫生瘡痛動挂網羅故武衛
將軍伊琳清貞剛毅禁旅攸屬直閣將軍鮮于康仁忠

亮驍傑爪牙斯在歡收而戮之曾無聞奏司空高乾是其黨與每相影响謀危社稷但以姦志未從恐先洩漏乃密白朝廷使殺高乾方哭對其弟稱天子橫戮孫騰任祥歡之心贅竝使入居樞近伺國間隙知歡逆謀將發相繼逃歸歡益加撫待亦無匡白然歡入雒之始本有姦謀令親人蔡雋作牧河濟厚相恩贍以為東道主人故關西大都督清水公賀拔岳勲德隆重興亡攸寄歡好亂樂禍深相忌毒乃與侯莫陳悅陰圖陷害幕府

已受律專征便即討戮歡知狀已露稍懷旅拒遂遣蔡
雋拒伐令竇泰佐之又遣侯景等云向白馬輔世珍等
徑趣石濟高隆之疋婁昭等屯據壺關韓軌之徒擁眾
蒲坂於是上書天子數論得失訾毀乘輿威侮朝廷藉
此微庸冀茲大寶谿壑可盈禍心不測或言徑赴荆楚
開疆於外或言分詣伊雒取彼讒人或言欲來入關與
幕府決戰今聖明御運天下清夷百寮師師四隩來暨
人盡忠良誰為傾側而歡威福自己生是亂階緝搆南

箕指鹿為馬包藏凶逆伺我神器是而可忍孰不可忍
幕府折衝宇宙親當受服銳師百萬毅騎千羣裹糧坐
甲唯敵是俟義之所在靡軀匪怯况頗有詔書班告天
下稱歡逆亂徵兵致伐今便分命將帥應機進討或趣
其要害或襲其窟宅電繞蛇擊霧合星羅而歡違負天
地毒被人鬼乘此掃蕩易同俯拾歡若渡河稍逼宗廟
則分命諸將直取并州幕府躬自東轅電赴伊雒若固
其巢穴未敢發動亦命羣帥百道俱前環裂賊臣以謝

天下其州鎮郡縣率土黎人或州鄉冠冕或勲庸世濟
竝宜捨逆歸順立効軍門封賞之科已有別格凡百君
子可不勉歟七月魏帝從雒陽率輕騎入關太祖備儀
衛奉迎謁見東陽驛乃奉命都長安披草萊立朝廷軍
國之政咸取太祖決焉仍加授大將軍雍州刺史兼尚
書令進封郡公尚馮翊長公主拜駙馬都尉閏十二月
魏孝武帝大漸太祖與羣公定策尊立南陽王寶炬為
嗣是為文帝大統元年進都督中外諸軍錄尚書事封

安定郡王太祖固讓改封郡公三年正月東魏寇龍門屯軍蒲坂造三道浮橋度河又遣其將竇泰趣潼關太祖縱兵擊破之盡俘其衆斬泰首高歡撤橋而遁是年八月丁丑太祖率李弼獨孤信梁禦趙貴于謹若于惠怡峰劉亮王德侯莫陳崇李遠奚武等十二將至潼關太祖乃誓於師曰與爾有衆奉天威誅暴亂惟爾衆士整爾甲兵戒爾戎事無貪財以輕敵無暴民以作威用命則有賞不用命則有戮爾衆士其勉之于謹狗地

至盤豆降東魏將高叔禮及戊卒一千戊子至弘農于
時連雨太祖乃率諸軍冒雨攻之庚戌城潰斬陝州刺
史李徽伯虜其戰士八千擒將高干竝送長安於是宜
陽邵郡皆來歸附十月壬辰破高歡於沙苑斬六千餘
級降者二萬餘人歡夜遁追至河上復大克獲前後虜
其卒七萬留其甲士二萬餘悉縱歸收其輜重兵甲獻
俘長安還軍渭南於是所徵諸州兵始至乃於戰所令
當時兵士人種柳一株以旌武功魏帝進太祖柱國大

將軍四年七月東魏遣其將侯景庫狄干高敖曹韓軌
可朱渾元莫多婁貸文等圍獨孤信於雒州八月庚寅
太祖至穀城莫多婁貸文可朱渾元來逆臨陣斬貸文
元單騎遁免悉虜其衆遂進軍瀍東景等北據河橋南
屬邙山為陣與諸軍合戰斬高敖曹及其儀同李猛西
兗州刺史宋顯等虜其甲士萬五千赴河死者萬數六
年春侯景出三鵠將侵荊州太祖遣開府李弼獨孤信
各率騎五千出武關景乃退還夏茹度河至夏州太祖

召諸軍屯沙苑以備之八年冬高歡侵汾絳圍玉璧九年春度河據邙山十二年春侯景侵襄州九月高歡圍玉璧太祖皆破走之十三年正月歡卒子澄嗣與侯景有隙景舉河南十六州東附七月景叛歸于梁十四年正月進授太祖太師十五年六月梁竟陵郡守孫暠舉郡來附時侯景圍建業司州刺史柳仲禮帥兵赴援及景克建業仲禮還司州率衆來寇暠以郡叛十一月太祖遣開府楊忠率兵與行臺僕射長孫儉討之攻克隨

郡忠進圍仲禮長史馬岫於安陸十六年正月擒仲禮
悉擄其衆馬岫以城降十七年三月魏文帝終太子嗣
位太祖以冢宰摠百揆十月太祖遣大將王雄出子午
伐上津魏興大將軍達奚武出散關伐南鄭明年去年
號稱元年是年春王熊平上津魏興以其地置東梁州
夏四月達奚武圍南鄭月餘梁州刺史宜農侯蕭循以
州降武執循還長安二年三月遣大將軍魏安公尉遲
迥率衆伐梁武陵王蕭紀於蜀夏四月太祖勅銳騎三

萬西踰隴度金城河至姑臧吐谷渾震懼遣使獻其方
物五月蕭紀潼州刺史楊乾運以州降引迥軍向成都
七月太祖自姑臧至于長安八月克成都劔南平三年
春魏帝有怨言太祖與公卿定議廢帝尊立齊王廓是
為恭帝元年七月梁元帝遣使請舊圖以定疆界又連
結於齊言辭悖慢太祖曰古人有言天之所棄誰能興
之其蕭繹之謂乎十月壬戌遣柱國于謹中山公護大
將軍楊忠韋孝寬等步騎五萬討之十一月癸未師濟

於漢中山公護與楊忠率銳騎先屯其城下據江津以備其逸丙申謹至江陵列營圍守辛亥進攻城其日克之擒梁元帝殺之并虜其百官及士民以歸沒為奴婢者十萬餘其免者二百餘家立蕭簪為主居江陵為魏附庸三年正月行周禮建六官以太祖為太師九月太祖有疾十月乙亥大漸殂于雲陽宮十二月閔帝受魏禪追尊為文王廟曰太祖武成元年追尊為文皇帝閔帝太祖第三子魏恭帝三年三月命為安定公世子

四月拜大將軍十月嗣位大冢宰十二月魏帝以岐陽之地封帝為周公遂受魏禪

冊府元龜卷六

欽定四庫全書

冊府元龜卷七

宋 王欽若等 撰

帝王部

創業第三

隋高祖文帝楊氏武元皇帝之子

臣欽若等曰武元以
上事迹具帝王帝系

門

初仕後周為大將軍襲爵隋國公周武帝聘高祖長

女為皇太子妃齊王憲言於周帝曰普六如堅相貌非常臣每見之不覺自失恐非人下請早除之帝曰此止

可為將耳建德中率水軍三萬破齊師於河橋明年從武帝平齊進位柱國與宇文憲破齊任城王高楷於冀州除定州總管轉亳州總管宣帝即位以后父徵拜上柱國大司馬大象二年五月出為揚州總管將發暴有足疾不果行周宣帝晏駕時靜帝幼冲未能親理政事內史上大夫鄭譯御正下大夫劉昉以高祖皇后之父眾望所歸遂矯詔引高祖入總朝政都督內外諸軍事周氏諸王在藩者高祖恐其生變稱趙王招將嫁女於

突厥為詞以徵之丁未發喪庚戌周帝拜高祖假黃鉞
左丞相百官總已而聽焉以正陽宮為相府以鄭譯為
長史劉昉為司馬具置寮佐宣帝時刑政苛酷羣心惶
駭莫有生意至是高祖大崇惠政法令清簡躬履節儉
天下悅之六月趙王招陳王純越王盛代王達滕王逌
竝至于長安是月雍州牧畢王賢及陳趙等五王以天
下之望歸於高祖因謀作亂高祖執賢斬之寢趙王等
之罪因詔五王劔履上殿入朝不趨用安其心相州總

管尉遲迥自以重臣宿將志不能平遂舉兵東下趙魏之士從者若流旬日之間衆至十餘萬又宇文胄以榮州石懸以建州席毗以沛郡毗弟文羅以兗州皆應於迥迥遣子質于陳以請援高祖命上柱國鄖國公韋孝寬討破之傳首闕下餘黨悉平初迥之亂也鄖州總管王司馬消難據州響應淮南州縣多同之命襄州總管王誼討之消難奔陳荆陽羣蠻乘釁作亂命亳州總管賀若誼討平之先是上柱國王謙為益州總管既見幼主

在位政繇高祖遂起巴蜀之衆以興復為辭高祖方以
東夏山南為事未遑致討謙進兵屯劍閣陷始州至是
乃命行軍元帥上柱國梁睿討平之傳首闕下巴蜀阻
險人好為亂於是更開平道毀劍閣之路立銘垂誠焉
是月誅趙王招越王盛九月周帝詔授高祖大丞相罷
左右丞相之官十月誅陳王純十一月誅代王達滕王
道十二月進爵為王靜帝大定元年二月壬子加九錫
遂受周禪開皇元年三月庚子詔曰自古帝王受終革

代建侯錫爵多與運遷朕膺錄受圖君臨海內載懷弘
革事有不同然則前帝後王俱在兼美立功立事爵賞
仍行苟利於時其致一揆何謂物我之異無計今古之
殊其前代品爵悉可依舊

唐高祖神堯皇帝李氏太祖景皇帝之子

臣欽若等曰
景帝以上事

迹具帝王
帝系門

襲封唐國公大業中為衛尉少卿遼東之役

高祖於懷遠鎮督運糧知楊玄縱兄弟逃還密表聞奏
煬帝始知玄感起逆乃班師於是慰勞高祖諭以親親

之意元弘嗣先在弘化留守即斛斯政親戚乃遣高祖
馳執弘嗣代為留守關右十三都兵皆受徵發高祖御
衆寬簡結納英豪厯居中外皆樹恩德繇是四海之士
多歸心焉于時絳郡賊柴保昌等有衆八萬煬帝令戶
部尚書樊子蓋擊之子蓋深溝高壘不敢決戰有來歸
首者不問多少必坑之繇是莫敢降賊徒日盛屯軍在
外連年不能尅煬帝令高祖代總其衆高祖與賊頻戰
每挫其鋒有來者引置左右推赤心待之人人自安願

効死力其餘賊黨相謂曰我輩本無逆心徒以政令嚴苛懼死為盜耳前後首者為子蓋所殺窮無所歸今唐公與人無隔疎遠意坦如也我輩知不死矣遂相率歸首前後至者數萬餘人賊散走他郡時突厥犯塞煬帝令高祖與馬邑太守王仁恭率眾備邊會虜寇馬邑仁恭以眾寡不敵有懼色高祖謂之曰今主上遐遠孤城絕援若不死戰難以圖全於是親選精騎二千出為遊軍居處飲食隨逐水草一同於突厥見虜候騎但馳騁

畋獵示若輕之及與虜相遇則犄角置陣選善射者為
別隊持滿以待之虜莫能測不敢決戰因縱奇兵擊走
之獲其特勒所乘駿馬斬首千餘級煬帝復以高祖為
太原留守遣武賁郎將王威虎牙郎將高君雅二人為
副會高陽賊帥厯山飛等眾號十萬來寇太原將軍慕
容羅暎潘長文俱為所敗賊鋒益盛高祖率步騎六千
以擊之相遇於同過水上賊陣彌亘十餘里埃塵漲天
戰士大懼莫不股慄高祖神色自若令王威率大眾居

前所有旌旗鼓角及輜重悉配之高祖與麾下數百騎居後賊望威軍為高祖盡銳來戰威不能支軍遂敗高祖以騎翼擊之為賊所掩重圍數匝於是身先力戰會太宗來救因復收兵擊之賊遂大敗虜男女數萬口未幾突厥寇馬邑高祖遣高君雅拒之君雅頗憂罪譴高祖亦懼煬帝節度隋師不捷時太宗從在軍中知隋祚將亡潛圖為義舉欲以安天下因進白曰大人何憂之甚也當今主上無道百姓愁怨城門之外皆已為賊獨

守小節必旦暮死亡若起義兵實當民欲人人之願此
天授之機可因轉禍以就功業既天與不取憂之何益
高祖大驚深拒之太宗趨而出明日復進說曰此為萬
全之策以救族滅之事今王綱弛紊盜賊徧天下大人
受命討捕其可盡乎賊既不盡自當獲罪且又世傳李
氏姓應圖籙李金才位望隆貴一朝族滅大人就能平
賊即有功當不賞以此求活可恃乎高祖意少解曰我
日夜思量汝言大有理破家滅身亦繇汝化家為國亦

繇汝繇是定計遇煬帝遣使者馳拘高祖送詣江都高祖素被猜忌及是大懼謂太宗曰事急矣計將安出太宗又進策高祖然之方令太宗舉兵以自濟會有詔釋高祖繇是止既而馬邑人劉武周殺刺史王仁恭舉兵反攻破汾陽宮百姓饑饉江都阻絕於是太宗復固請曰大人受委鎮守而賊徒日熾竊思既離宮闕不能捍禦若不早舉大計即身陷禍機悔無所及高祖從之因集將帥而謂之曰武周僭號天子在遠賊據汾陽宮我

輩不能制自當族滅矣將如之何王威與高君雅及諸僚
吏咸請集兵高祖欲觀威等之意乃曰朝廷出師皆稟詔
勅未有閫外敢專之者今賊據離宮自稱尊號近在數百
里間江都懸隔道路艱阻若待奏報還期未測夫以薪救
火豈有撲滅者哉今進退維谷復將何計威等咸曰公地
居賢戚務盡丹誠國家之利唯在平賊逡巡聽奏豈及事
機高祖曰善乃命太宗與晉陽令劉文靜及門下客長孫
順德劉弘基等各募兵旬日之間衆且一萬文靜頓於興國

寺順德頓於阿育王寺威及君雅等見兵大集相與疑懼請高祖祈雨於晉祠將為不利高祖知其謀部勒麾下陰為之備五月甲子旦高祖與威及君雅等同坐視事太宗嚴兵在外以備非常遣劉文靜與高陽府司馬劉政會入告變云二人謀反陰引突厥將覆太原高祖佯驚曰豈有是耶徐以文書示之曰人告公反宜受勘當即於座上執之丙寅突厥數萬騎來寇城下高祖令開門偃旗幟虜不測所為引兵掠城外而去高祖令軍中曰人言王威勾賊

此其効矣於是斬威君雅以謝太原百姓乃遣劉文靜連和於突厥六月己卯裴寂殷開山等請稱義兵准伊尹放太甲霍光廢昌邑故事尊煬帝為太上皇立代王以安隋室傳檄諸郡以彰義舉高祖可之甲辰命太宗將兵徇西河郡下之癸巳建大將軍府以裴寂為長史劉文靜為司馬具設官屬始置三軍分為左右以公子建成為隴西公左領大都督左三軍悉隸焉命太宗為燉煌公右領大都督右三軍悉隸焉開倉庫以賑窮乏遠近響應七月壬子以

公子元吉為姑臧公太原留守高祖以兵西圍關中精甲三萬高祖仗白旗誓衆於太原之野引師即路甲寅遣將張浚狗稽胡下離石隴泉文城三郡丙辰師次霍邑隋虎牙郎將宋老生陳兵拒險義師不得進屯軍於賈胡堡會霖雨積旬餽運不給高祖患之忽有白衣父詣軍門請見曰予霍山神遣語大唐皇帝若向霍山邑當東南傍山取路八日雨止我當助爾破之高祖初哂之遣人東南視地界有微道高祖笑曰此神不欺趙襄子豈當負吾邪時有訛

言云突厥將襲太原又軍糧盡高祖命旋師太宗切諫乃止八月己卯雨果霽高祖大悅以太牢祭霍山辛巳引師從傍山道趨霍邑去城十餘里有陣雲起軍北東西竟天高祖謂裴寂曰雲色如此必當有慶又謂諸將曰老生若嬰城自守當即攻之主客勢懸卒難致力其計若何太宗進曰老生勇而無謀請以輕兵挑之必出戰則成擒矣高祖從之太宗以數騎指其城下舉鞭指麾若將圍城者老生果怒開城門出太宗馳白高祖曰事諧矣高祖因謂隴

西公建成曰汝看兩陣將交引左軍直趨東門命太宗引右軍直趨南門以斷其歸路老生之軍背城而陣高祖以中軍與建成合陣於城東太宗及柴紹陣於城南老生麾兵疾進先薄高祖而建成墜馬老生乘之中軍與左軍却太宗自南原遙見塵起知義師退率二百騎馳下峻坂殺一賊遂橫斷其軍出陣後表裏齊譟若摧山隋師大潰各捨仗而走懸門發老生不得入城乃棄馬投塹甲士斬之致其首於麾下流血數里僵屍相枕四面乘勝進薄其城時無攻具

士卒緣稍而上一時攀堞無敢當者遂平霍邑撫其餘
衆而用之丙戌下臨汾郡時臨汾郡通守陳叔達堅守
不下高祖謂厨人曰吾明日下城然後朝膳辛卯引兵
攻城自旦及辰而破高祖乃食癸巳次龍門縣突厥始
畢可汗遣康稍利率兵五百人馬二千匹以會於軍所
九月己亥營於孤窟去河東六十里先是春夏旱麥不
熟穀米踊貴人相食及義師起澍雨應時至是大熟禾
稼滿野義兵資之無所匱乏論者以為天贊時津梁為

其所斷關中向義者頗以為阻於是水濱居人競進船不謀而至者前後數百里乃置水軍焉壬寅馮翊賊帥孫華土門賊帥白玄度率其衆來降高祖命華及王長諧等引兵先渡因戒之曰屈突通去此五十餘里不敢與我爭鋒其人守法懼罪必當伺便襲卿耳宜為之備通果遣虎牙郎將辛顯和率精兵數千夜襲長諧義軍不利隋人逐北華將走太宗以遊騎掩其後顯和敗績僅以身免悉虜其衆丙辰馮翊太守蕭造以郡來降戊

午高祖率衆攻屈突通於河東士卒登城南面者已千餘人高祖在東原望之而不見會雨暴至鳴角止軍繇是不尅或勸遂攻之高祖曰屈突通習兵而無勇若決戰非其所長嬰城難以必勝此自守虜耳不足為虞遂守軍營於河渚文武将吏勸領太尉加置僚佐高祖從之華陰令李孝嘗以永豐倉歸義以少牢祀河率大軍而濟甲子舍於長春宮三秦士庶至者有萬數高祖禮之竝過所望人人喜悅更相謂曰真吾主也丙寅遣隴

西公建成司馬劉文靜屯永豐倉以拒潼關太宗以前
軍數萬人自渭北徇三輔所至皆下高祖第三女柴氏
從父弟神道舉義於司竹至是以兵來會都賊帥丘師
利李仲文整屋賊帥何潘仁向善志宜君賊帥劉旻等各
率衆數千來降丁卯以師渡渭川畧定鄠杜至於整屋
庚午高祖觀永豐倉笑謂官屬曰吾千里遠來志在此
耳既為我有復何憂哉於是開倉大賑窮乏壬申過馮
翊舊宅饗五廟乙亥命太宗率兵自渭汭屯阿城隴西

公建成自新豐趨上灊是日延安上郡雕陰郡竝遣使
來降丙子高祖率大軍自下邳西上經煬帝行宮園苑
悉罷之宮女放還親屬十月辛巳高祖至長樂宮時京
師留守衛文昇陰世師挾代王以拒義師高祖屯兵春
明門有衆二十餘萬遣使至城下諭以興復之意再三
皆不報將吏固請圍城辛卯太宗帥師入郭頓于城西
乃命隴西公建成入頓城東分朱雀大街列營圍之甲
辰諸將又請攻城高祖不許將吏進諫曰大軍西入本

欲鎮撫關中輔翼隋室光崇帝業陰世師等違拒義師
誑惑城內若不盡銳取城誅君側之賊何以息於流謗
高祖乃從之遂下令曰七廟及代王隋室公族竝不得
犯有違者罪及三族十一月丙辰軍頭雷紹先登守陴
者分散京師平先命主符即宋公弼收隋圖籍戊午以
右衛將軍陰世師多黷貨京兆郡丞滑儀性苛酷有害
於政竝斬之以謝關中連坐者十餘人癸亥率百僚備
法駕尊代王為天子大赦改元義寧元年十一月甲子

高祖自長樂宮入京師至朝堂望闕而拜天子以高祖
為丞相錄尚書事假黃鉞進封唐王以武德殿為相府
萬幾悉委焉高祖每日於廣化門視事乙丑榆林靈武
五原平涼安定五郡遣使來降十二月癸未天子詔以
隴西公建成為唐國長子進封太宗為秦國公元吉為
齊國公高祖遣趙郡公李孝恭狗山南所至皆下乙未
平涼太守張隆以其衆來降丁酉扶風太守竇璡阿池
太守蕭瑀竝以郡來降癸卯右翊衛長史宋遵貴以陝

縣太原倉來降甲辰遣使者詹俊李袞等徇巴蜀竝下
之二年正月丁未天子詔高祖劔履上殿入朝不趨贊
拜不名加前後羽葆鼓吹并依舊事辟仕癸丑遣楊義
弘狗靈武戊午上雒浙楊二郡及浮靈賊帥蕭岳周洸
等竝遣使來降癸亥論功行賞其登京城第一勲授光
祿大夫開國郡公物一千段雖第一勲而身死者亦准
此其官迴授於子第宅奴婢仍竝量給第二勲人各授
三輔物二百段第三勲人從朝散加戊辰以長子建成

為撫軍大將軍左元帥摠兵十餘萬以徇東郡二月丁
丑遣功曹參軍裴清率兵襲河陽己卯遣太常卿鄭元
璠定樊鄧使者馬元規徇荆襄甲午出米七萬斛以賑
貧人清河賊帥竇建德稱長樂王三月己酉以齊國公
元吉為鎮北將軍太原道行軍元帥乙卯徙太宗為趙
國公戊辰詔唐王備九錫之禮五月乙巳朔詔唐王冕
有十二旒建天子旌旗出警入蹕乘金根車駕六馬備
五時副車置旒頭雲罕樂舞八佾設鐘磬宮懸王后王

子王女爵命之號一遵舊典五月遂受隋禪

後唐太祖武皇帝獻祖第三子

獻祖以上事具帝王帝系門

少為雲

中守捉使唐僖宗乾符三年段文楚為代北水陸發運
雲州防禦使時歲薦饑文楚稍削軍食諸軍咸怨帝部
下爭訴以軍食不克邊校程懷素王行審蓋寓李存璋
薛鐵山康君立等即擁帝入雲州眾且萬人營於鬪雞
臺城中械文楚出以應於外諸將列狀以聞請授帝旌
鉞朝廷不允徵諸道兵以討之五年黃巢渡江其勢滋

蔓天子乃悟其事以帝為大同軍節度使檢校工部尚書是歲獻祖以振武軍節度使出師討党項會吐渾赫連鐸乘虛陷振武舉族為吐渾所虜帝至定邊軍迎獻祖歸雲州雲州守將拒關不納帝掠蔚朔之地得三千人屯神武川之新城赫連鐸晝夜攻圍帝昆弟三人四面應賊俄而獻祖自蔚州引軍至吐渾退走自是軍勢復振天子以赫連鐸為大同軍節度使進軍以討六年春又以昭義節度使李鈞充北面招討使將上黨太原

之師過石嶺關屯於代州與幽州李可舉會赫連鐸同
攻蔚州獻祖以一軍禦之帝以一軍南抵遮虜城以拒
李鈞鈞中流矢而卒廣明元年春天子復命元帥李涿
率兵數萬屯代州獻祖戰不利乃率其族奔於鞬鞞部
是歲十一月黃巢寇潼關天子令河東監將陳思景為
代北起軍使收兵破賊十二月黃巢犯長安僖宗幸蜀
思景與李友金發沙陀諸部五千騎南赴京師友金即
帝之族父也中和元年二月友金軍至絳州將渡河刺

史瞿積謂陳景思曰巢賊方盛不如且還代北徐圖利
害四月友金軍鴈門瞿積至代州半月之間募兵三萬
營於崞縣之西其軍皆北邊五部之衆不閑軍法瞿積
友金不能制友金謂景思曰舉大衆成大事當威明素
著則可以服人今軍雖數萬苟無善帥進亦無功吾兄
李司徒父子去歲於國家獲罪今寄北郡雄武之畧為
衆所推若驃騎急奏召還代北之人一麾響應則妖賊
可平也景思然之促奏行在天子乃以帝為鴈門節度

使仍令以本軍討賊友金發五百騎賫詔召帝於達靺
帝即率達靺諸部趨鴈門五月整兵二萬南嚮京師太
原鄭從謹以兵守石嶺關帝乃引軍出他道至太原城
會大雨班師於鴈門二年十月帝率忻代蔚朔達靺之
軍三萬五千騎赴難於京師十二月至河中三年正月
諸道都統王鐸承制授帝東北面行營都統帝令弟克
修領前鋒五百騎渡河視賊黃巢遣將米重威賫重賂
及偽詔以奉帝帝納其賂以給諸將燔其偽詔以兵自

夏陽濟河二月營於乾坑店黃巢大將尚讓林言王璠
趙璋等引軍十五萬屯於梁田坡翌日大軍合戰自午
及晡巢賊大敗是夜賊衆遁據華州帝進軍圍之巢弟
黃鄴黃揆固守三月尚讓引大軍赴援帝率兵萬餘逆
戰於零口巢軍大敗帝進軍滑橋翌日黃揆棄華州而
遁四月黃巢燔長安收其餘衆東走藍田關帝進收京
師七月天子授帝金紫光祿大夫檢校左僕射河東節
度使時年二十有八十一月平潞州表其弟克修為昭

義軍節度使潞帥孟方立退保於邢州十二月許帥田從異汴帥朱溫徐帥時溥陳州刺史趙犛各遣使來告以巢蔡合從兇鋒尚熾請帝共力討賊四年四月帝帥蕃漢之師萬五千合徐汴之師破尚讓於太康斬獲萬計進攻賊於西華賊將黃鄴棄營而遁帝引軍營於中牟大破賊於王滿渡巢賊大至濟汴而北帝渡汴遇賊將渡而南半濟擊之大敗殘衆保於胙縣寃句大軍躡之黃巢乃攜妻子兄弟千餘人東走帝追賊至於曹州

還至汴汴帥朱溫館於上源驛夜將圖之帝縋城而出

事具帝王
神助門

光啓二年三月幽州李可舉鎮州王景崇連

兵寇定州節度使王處存求援於帝帝遣大將康君立
安老老薛可敦啜率兵赴之五月鎮人攻無極帝親領
兵救之鎮人退保新城武皇攻之斬首萬餘級獲馬千
疋王處存亦敗燕軍於易州十一月河中王重榮遣使
來乞師且言邠州朱玫鳳翔府李符將加兵於已初帝
與汴人構怨前後八表請削奪汴帥官爵自以本軍進

討天子累遣內臣楊復恭宣旨令且全大體帝不時奉
詔天子頗任汴帥時觀軍容使田令孜君側擅權惡王
重榮與帝膠固將離其勢乃移重榮於定州重榮告於
帝帝上章言李符朱玫挾邪忌正黨庇朱溫臣已點檢
蕃漢軍五萬取來年渡河先斬朱玫李符然後平盪朱
溫天子覽表遣使譬喻百端軺傳相望既而朱玫引邠
鳳之師攻河中王重榮出師拒戰朱玫於沙苑對壘月
餘十二月帝引軍渡河與朱玫決戰玫大敗收軍夜遁

入於京師京城大駭天子幸鳳翔帝退軍於河中二年
正月僖宗南幸興元朱玫於鳳翔立嗣襄王煇為帝以
偽詔賜帝帝燔之械其使馳檄諸方鎮遣使奉表於行
在九月遣昭義節度李克修討孟方立於邢州大敗方
立之衆於焦岡斬首數千級以大將安金俊為邢州刺
史以撫其降人十月進攻邢州邢人出戰又敗之三年
六月河中節度使王重榮為部將常行儒所殺帝表重
榮兄重盈為帥文德元年二月僖宗自興元還京三月

昭宗即位以帝為開府儀同三司檢校太師兼侍中隴西郡王十月邢州孟方立遣奚忠信將兵三萬寇遼州帝大破之斬首萬級大順元年遣李存孝攻邢州孟遷以邢洺磁三州降執汴將王虔裕三百人以獻帝徙孟遷於太原以安金俊為邢洺團練使三月帝攻雲州拔其東城赫連鐸求援於燕燕帥李康威將兵三萬以赴之戰於城下燕軍大敗康威與雲州赫連鐸及汴帥協謀連上表請加兵於帝六月天子削奪帝官爵以宰相

張濬為招討使以京兆尹孫揆為副華州韓建為行營都虞候以汴帥為河東東面招討使李康威河東北面招討使赫連鐸為副汴將朱友裕將兵屯晉絳時汴軍已據潞州又遣大將李讜等率軍數萬急攻澤州帝遣李存孝自潞州將三千騎以援之汴將鄧李筠以一軍犯陣存孝進擊擒其都將十數人獲馬千餘匹是夜李讜收軍而退大軍掩擊至馬牢關斬首萬餘級追襲至懷州而還存孝復引軍攻潞州九月汴將葛從周棄潞

州而遁帝以康君立為潞州節度使十月張濬之師入
晉州游軍至汾隰帝遣薛鐵山李承嗣將騎三千出陰
地關營於洪洞遣李存孝將兵五千營於趙城華州韓
建以壯士三百人宵犯存孝之營存孝追擊直壓晉州
西門張濬之師出戰為存孝所敗自是閉壁不出存孝
引軍攻絳州十二月晉州刺史張行恭棄城而奔韓建
張濬繇舍山路遁去二年正月帝上章申理其畧曰臣
今身無官爵名是罪人不敢歸陛下藩方且欲於河中

寄寓進退行止伏候聖裁天子尋就加守中書令是月
魏博為汴將葛從周所寇節度使羅弘信遣使來求援
帝出師以赴之三月邢州節度使安知建叛奔青州天
子以知建為神武統軍自棣州沂河歸朝鄆州朱瑄邀
斬於河上傳首晉陽以李存孝為邢州節度使四月帝
大舉兵討赫連鐸於雲州七月平之邢州節度使李存
孝以鎮州王鎔託附汴人謀亂河朔北連燕寇請乘雲
代之捷平定燕趙帝然之八月大蒐於晉陽遂南巡澤

潞畧地懷孟河陽趙克裕望風送款請修鄰好九月蒐
於邢州十月李存孝董前軍攻臨城鎮人五萬營於臨
城西北龍尾岡帝令李存審存質以步軍攻之鎮人大
敗殺獲萬計拔臨城進攻元氏幽州李康威以步騎五
萬營於鄆邑以援鎮州帝分兵大掠旋軍邢州景福元
年正月鎮州王鎔恃燕人之援率兵十餘萬攻邢州之
堯山帝遣李存信李嗣勳李存審將兵援之大破燕趙
之衆斬首三萬收其軍實三月帝進軍渡滹沱攻欒城

下鼓城橐城八月赫連鐸誘幽州李康威之衆八萬寇
天成軍遂攻雲州營於州北連亘數里帝潛軍入於雲
州詰旦出騎軍以擊斬獲數萬李康威燒營而遁乾寧
元年十二月帝攻媯州壬子燕兵復合入居庸關拒戰
帝命精騎以疲之令步將李存審繇他道擊之自午至
晡燕軍復敗李儔攜其族棄城而遁將之滄州隨行輜
車滅獲妓妾甚衆滄帥盧彥威利其貨以兵攻儔於景
城殺之盡虜其衆丙辰進軍幽州其守城大將請降帝

令李存審與劉文恭入城撫勞三年六月表三帥之罪
復移檄三鎮三鎮大懼是月次絳州刺史王瑤登陴拒
命帝攻之旬日而拔斬瑤於軍門誅其黨千餘人七月
次河中王珂迎謁於路同州節度使王行約棄城奔京
師右軍指揮使李繼鵬茂貞假子也劫天子幸鳳翔左
軍指揮使王行實行瑜弟也劫天子幸邠州又行瑜茂
貞聲言自來迎駕天子遂幸山南駐蹕於莎城帝遣判
官王環奉表奔問天子遣使賜詔令與王珂討邠鳳時

帝方攻華州俄聞李茂貞領兵三萬至藍屋王行瑜領兵至興平欲往石門迎駕乃解華州之圍進營渭橋天子遣延王戒及丹王允賫詔促兵直抵邠鳳八月帝進營渭北遣史儼將三千騎往石門扈駕遣李存信李存審會鄜延之兵攻行瑜之梨園寨天子削奪行瑜官爵以帝為天下兵馬都招討天子還宮加帝守太師中書令邠寧四面行營都統時王行瑜弟兄固守梨園寨帝攻之甚急又表李罕之為副都統十月李存信於梨園

寨北遇賊軍斬首千餘級自是賊閉壁不出帝令李罕之晝夜急攻賊軍乏食拔營而去李存信與罕之等先伏軍於阨路俟賊軍至縱軍擊之殺戮萬計是日收梨園等三寨生擒行瑜之子知進并母丘氏大將李元福等二百人送赴闕庭十一月收龍泉寨時行瑜以精甲五千守之李茂貞出兵來援為李罕之所敗邠賊遂棄龍泉寨而去行瑜復入邠州大軍進逼其城行瑜棄城而遁帝收其城封府庫遂以捷聞既而慶州秦王行瑜

將家屬五百人到州界為部下所殺傳首闕下帝既平
行瑜還軍渭北十二月天子賜號忠貞平難功臣進封
晉王加實封二百戶帝復上表請討李茂貞天子不允
遂班師光化元年正月鳳翔李茂貞華州韓建皆致書
於帝乞脩和好同獎王室兼乞助丁匠脩繕秦宮帝許
之四月汴將葛從周寇邢洺磁等州旬日之內三州連
陷二年三月從周自土門陷承天軍又陷遼州三年十
月遣李嗣昭率步騎三萬攻懷州下之天復元年正月

汴將張存敬攻陷晉絳二州三月汴師自大梁至河中王珂出迎天子以汴師兼鎮河中帝自是不復能援京師霸業中否天祐三年九月遣周德威李嗣昭合燕軍三萬以攻澤潞十二月潞州節度使丁會開門迎降四年四月哀帝禪位於汴帥五月梁祖遣其將康懷英率兵十萬圍潞州築壘環城帝遣周德威將兵赴援梁祖以懷英無功乃以李思安代之是歲西川王建遣吏至勸帝各王一方俟破賊之後訪唐朝宗室以嗣帝位然

後各歸藩守帝不從


以書報之曰竊念本朝屯否巨葉淪胥攀鼎駕以長連撫彤弓而自

咎默然終古悠悠蒼生遺此厲階永為痛毒視橫流而莫救徒誓楫以興言別捧函題過垂獎論省覽周既駸揚異常淚下霑衿倍鬱申胥之素汗沅浹背如聞蔣濟之言僕經事兩朝受恩三代位叨將相籍係宗枝賜鈇鉞以專征微包茅而問罪塵兵接戰二十餘年竟未能斬新莽之頭顱斷蚩尤之肩髀以至廟朝顛覆豺虎縱橫且受任分憂叨榮冒寵龜玉毀積誰之咎歟備閱指陳不勝慙慙然則君臣無常位陵谷有變遷或筮塞長河泥封函谷時移事改理有萬殊即如周末虎爭魏初鼎據孫權父子不顯授於漢恩劉備君臣自微興於涿郡得之不謀於家世失之無損於功名適當逐鹿之秋可斬華蟲之服唯僕累朝席寵奕世輸忠忝佩訓詞粗存家法善博奕者唯先守道治躔田者不可奪牛誓於此生靡敢失節仰憑廟勝蚤殄冠讐如其事與願違則

共滅洪遊於地下亦無恨矣唯公社稷元勳華嵩降祉
鎮九州之上地負一代之宏才合於此時自求多福所
承良訊非僕深心天下其謂我何有
國非吾節也悽悽孤懇此不盡陳

同光初莊宗即位

追尊號曰武皇帝廟曰太祖



冊府元龜卷七